

## 09.03 PROFIL

---

### **Erna Romeril-Klarer: «Jau hai schoccà pliras giadas mes geniturs»**

*En la vita dad Erna Romeril-Klarer hai adina puspè dà midaments. La figlia d'hoteliers ha passentà in temp pli lung sin in catamaran ed ha giudì ina vita sco marinera ensemen cun ses um ch'è 17 onns pli vegl.*



La dunna sportiva, ch'ins vesa savens en gir cun il chaun Queenie, ha però er lavurà en differents lieus sco ospitanta ed hoteliera ensemen cun ses um. Cun l'adopziun da dus mats oriundamain da la Columbia han ils Romerils pudì accumplir in da lur gronds giavischs avant 30 onns e d'avegnar ina famiglia. Oz lavura la Zuozingra a la scola media, il Lyceum Alpinum, en la partiziun dal «International Baccalaureate». Il temp liber passenta la dunna da 55 onns gugent faschond spassegiadas en la natira e cun tgirar la biadia da quatter onns.

*Redacziun: Anna Caprez*